

**PANDUAN PENCEGAHAN PENULARAN COVID-19
PASCA PERINTAH KAWALAN PERGERAKAN BAGI KESELAMATAN WARGA
TAMAN ASUHAN KANAK-KANAK (TASKA)**

SOALAN LAZIM (FAQ)

1. Adakah TASKA dibenarkan beroperasi pada 4 Mei 2020 (Isnin)?

Sepertimana pengumuman YAB Perdana Menteri, TASKA boleh beroperasi mulai 4 Mei, selain daripada kawasan Perintah Kawalan Pergerakan Diperketatkan (PKPD). TASKA boleh menentukan tarikh yang sesuai untuk memulakan pengoperasian, tertakluk kepada kesediaan TASKA, seperti kerja-kerja pembersihan, dan disinfeksi (nyarkuman) dan sebagainya.

2. Apakah yang dimaksudkan dengan saringan gejala kesihatan untuk kakitangan dan kanak-kanak?

Saringan gejala kesihatan yang dimaksudkan adalah memeriksa suhu badan di pintu masuk untuk setiap kakitangan dan kanak-kanak. Jika suhu badan 37.5°C dan ke atas, kakitangan atau kanak-kanak tidak dibenarkan untuk berada dalam TASKA.

3. Apakah jenis termometer yang dibenarkan untuk digunakan?

Termometer tanpa kontak seperti alat pengimbas suhu digital dan *termometer infrared*.

4. Adakah sebarang lawatan ke TASKA dibenarkan sepanjang tempoh pengoperasian TASKA semasa PKP?

Tidak dibenarkan.

5. Apakah langkah yang perlu diambil jika terdapat warga di TASKA disahkan positif COVID-19?

- **Tutup TASKA serta merta dan mengeluarkan notis penutupan kepada ibu bapa**

- **Berkomunikasi dengan ibu bapa, kanak-kanak dan kakitangan**
 - **Tidak mendedahkan identiti warga yang dijangkiti**
 - **Berhubung dengan Pejabat Kesihatan berdekatan untuk khidmat nasihat**
 - **Melakukan disinfeksi mengikut panduan KKM**
 - **Buka pintu dan tingkap untuk pengudaraan di dalam TASKA**
 - **Kakitangan kebersihan perlu membersihkan dan mendisinfeksi setiap tempat dalam TASKA**
 - **TASKA hanya beroperasi apabila tahap kebersihan dan keselamatan dipatuhi dan mendapat kebenaran dari pejabat kesihatan daerah**
6. Apakah langkah yang perlu diambil sebelum memulakan pengoperasian TASKA?
- **Lakukan langkah pembersihan dan disinfeksi (nyahkuman) secara menyeluruh di dalam dan di luar kawasan TASKA sebelum memulakan pengoperasian. Rujuk Garis Panduan Pengendalian Kanak-Kanak di TASKA dan Pra Sekolah, 2007. (Nota: Annex 36 dalam Garis Panduan Pengurusan COVID-19 di Malaysia adalah bagi menjalankan aktiviti pembersihan dan disinfeksi di persekitaran yang terdedah kepada kes positif COVID-19.)**
 - **Latihan kepada kakitangan harus dilakukan untuk memastikan semua bersedia untuk mengambil langkah-langkah kebersihan dan keselamatan. Sila layari Infosihat atau Portal MyHEALTH dari KKM bagi mendapatkan poster dan video sebagai panduan.**
 - **Pastikan Pengusaha dan semua kakitangan di TASKA dalam keadaan yang sihat dan bebas COVID-19 serta bersedia untuk bertugas.**
 - **Mewajibkan pengisytiharan kesihatan dibuat oleh semua kakitangan atau kanak-kanak atau ibu bapa atau penjaga atau keluarga terdekat secara langsung atau tidak langsung terdedah kepada mereka yang dijangkiti COVID-19 atau penyakit berjangkit yang lain serta sama ada mereka baru pulang dari luar negara. Borang pengisytiharan kesihatan hendaklah di isi sebelum TASKA dibuka.**

- Kehadiran setiap kanak-kanak dan kakitangan TASKA perlu direkod atas tujuan memudahkan proses penyiasatan oleh Pejabat Kesihatan Daerah.

7. Apakah amalan pencegahan jangkitan COVID-19 untuk dilaksanakan bagi pengoperasian TASKA?

- Aturkan waktu ketibaan dan kepulangan kanak-kanak supaya tidak tiba serentak.
- Ibu bapa dan pelawat adalah tidak dibenarkan memasuki TASKA semasa operasi.
- Letakkan *hand sanitizer* di tempat pemeriksaan dan menasihati individu yang memasuki kawasan TASKA untuk membersihkan tangan sebelum masuk. Kanak-kanak adalah digalakkan membasuh tangan dengan air dan sabun.
- Pengambilan suhu badan hendaklah dilakukan sekurang-kurangnya 3 kali iaitu ketika menerima kanak-kanak ke TASKA, sebelum waktu tidur dan ketika kanak-kanak diserahkan semula kepada ibu bapa pada waktu balik dari TASKA.
- Aktiviti mesyuarat dan latihan kakitangan secara fizikal hendaklah dikurangkan.
- Sebarang urusan hendaklah melalui emel atau secara atas talian, contoh sidang video.

8. Apakah latihan yang perlu diberikan kepada semua kakitangan TASKA, dan ibu bapa sebelum TASKA mula beroperasi?

- Prosedur saringan gejala kepada semua kanak-kanak dan kakitangan TASKA, termasuk pengambilan suhu dengan betul.
- Cara membuat cairan disinfektan, disinfeksi dan pembersihan permukaan, pakaian serta peralatan (Rujuk Panduan Disinfeksi atau Nyahkuman melalui Portal MyHEALTH dari KKM).

- Amalan kebersihan diri, mencuci tangan, etika batuk, penggunaan topeng mulut dan hidung (Rujuk kepada Infosihat atau Portal MyHEALTH dari KKM).

9. Bagaimana penjarakan sosial diamalkan di TASKA?

- Aturkan ruangan pembelajaran/aktiviti (meja, kerusi, dsb) dengan penjarakan sekurang-kurangnya 1 meter antara satu sama lain
- Banyakkan aktiviti secara individu, batalkan aktiviti yang melibatkan sentuhan seperti memegang tangan, bersalam, berkumpul dan sebagainya
- Libatkan kanak-kanak dalam aktiviti kurang formal seperti bercerita, main peranan dan sebagainya
- Elakkan aktiviti yang tidak sesuai untuk penjarakan sosial yang selamat, contohnya:
 - Perkongsian bahan mainan umum, bahan pengajaran dan peralatan
 - Berkongsi bilik terapi atau bilik mainan
 - Lawatan ke tempat-tempat awam
 - Aktiviti luar seperti taman permainan, bermain air, permainan deria, dan lain-lain
 - Perhimpunan awam/ mesyuarat berkumpul

Disediakan oleh:

Jabatan Kebajikan Masyarakat

Kementerian Pembangunan Wanita, Keluarga dan Masyarakat

2 Mei 2020